

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 30 MAC 2015, PUKUL 10.00 PAGI

Bil. 13

PERTANYAAN-PERTANYAAN BAGI JAWAB LISAN

1. PR-1331-L67087
Datuk Seri Panglima Haji Abdul Ghapur bin Haji Salleh [Kalabakan] minta **MENTERI KEWANGAN** menyatakan apakah Kerajaan sudah mempunyai pelan tindakan yang komprehensif untuk menangani kejatuhan nilai ringgit sekiranya ekonomi negara dan dunia terus merudum.
2. PR-1331-L67348
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI PERTANIAN DAN INDUSTRI ASAS TANI** menyatakan usaha-usaha yang dilakukan bagi memastikan 577 pasar tani di seluruh negara menjual kesemua 73 jenis barangan yang telah diturunkan harganya 5% hingga 20% menjual barangan tersebut pada kadar harga yang ditentukan itu.
3. PR-1331-L65589
Dato' Abdul Manan bin Ismail [Paya Besar] minta **MENTERI PENDIDIKAN** menyatakan masa depan pelajar Kolej Vokasional dalam mengurus perdanakan pendidikan teknikal dan vokasional bagi melahirkan modal insan berkeupayaan, berkemahiran tinggi dan keusahawanan yang berdaya saing menjelang tahun 2020.
4. PR-1331-L66517
Datuk Mohd Idris bin Jusi [Batu Pahat] minta **MENTERI DALAM NEGERI** menyatakan langkah-langkah menyekat dan mengawal kemasukan buruh-buruh asing ke Malaysia, melihat kepada berleluasanya masalah sosial, keselamatan dan ekonomi yang timbul kesan daripada kemasukan mereka.
5. PR-1331-L65669
Dato' Othman bin Aziz [Jerlun] minta **PERDANA MENTERI** menyatakan langkah yang diambil bagi menangani masalah hubungan antara kaum yang dilihat semakin mengancam perpaduan malahan keselamatan dan keharmonian negara.

6. PR-1331-L66125
Tuan Wong Chen [Kelana Jaya] minta **MENTERI PEMBANGUNAN WANITA, KELUARGA DAN MASYARAKAT** menyatakan butiran terperinci daripada segi kategori, kaum dan jumlah penerima bayaran kebajikan di negeri Selangor bagi setiap tahun dari 2008 hingga 2014.
7. PR-1331-L66357
Dato' Haji Abdul Rahman bin Haji Mohamad [Lipis] minta **PERDANA MENTERI** menyatakan tindakan tegas Kerajaan untuk menyekat kawasan Cameron Highlands daripada terus diceroboh.
8. PR-1331-L67301
Tuan Haji Khalid bin Abdul Samad [Shah Alam] minta **MENTERI PENDIDIKAN** menyatakan status pembinaan Sekolah U10 dan menjelaskan mengapa kos pembinaannya sebanyak RM11.9 juta begitu tinggi.
9. PR-1331-L67034
Datuk Wee Jeck Seng [Tanjong Piai] minta **MENTERI DALAM NEGERI** menyatakan punca Kementerian mengusulkan untuk dikenakan denda terhadap individu yang kehilangan passport.
10. PR-1331-L66777
Tuan Nik Mohamad Abduh bin Nik Abdul Aziz [Pasir Mas] minta **MENTERI BELIA DAN SUKAN** menyatakan langkah yang diambil oleh Kementerian bagi penswastan Liga Malaysia bermula 2016.
11. PR-1331-L66819
Datuk Koh Nai Kwong [Alor Gajah] minta **MENTERI PERDAGANGAN ANTARABANGSA DAN INDUSTRI** menyatakan apakah perkembangan kerangka kerja penurunan harga kereta dalam NAP 2014 selepas setahun dan apakah kesan daripada penurunan nilai matawang ringgit dalam kerangka kerja ini.
12. PR-1331-L66425
Raja Dato' Kamarul Bahrin Shah [Kuala Terengganu] minta **MENTERI PERTANIAN DAN INDUSTRI ASAS TANI** menyatakan apakah usaha-usaha Kementerian bagi mengembalikan bilangan dan ketibaan penyu-penyu "*Leather Back*" ke Pantai Timur Semenanjung.
13. PR-1331-L65845
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PENDIDIKAN** menyatakan apakah langkah-langkah Kementerian Pendidikan untuk memperkasakan dan memberi penekanan khusus kepada pelajar luar bandar supaya berjaya memperolehi tahap BAND tertentu untuk MUET, memandangkan BAND yang tertentu harus diperolehi oleh bakal pelajar IPTA iaitu Band 4 untuk Sains Teknologi; Band 3 untuk Sastera dan Sains Sosial dan juga Band 5 untuk pengajian Undang-undang dan Perubatan.

14. PR-1331-L65481
Dato' Kamarul Baharin bin Abbas [Telok Kemang] minta **MENTERI PENDIDIKAN** menyatakan:-
- (a) setakat mana Pelan Transformasi Pendidikan Vokasional melalui mata pelajaran Pendidikan Asas Vokasional (PAV) mampu untuk menarik minat pelajar untuk meneruskan pendidikan mereka di peringkat vokasional dan seterusnya ke peringkat pengajian tinggi; dan
 - (b) peluang kerjaya lepasan pelajar-pelajar Kolej Vokasional (KV) tersebut.
15. PR-1331-L66549
Puan Rubiah binti Haji Wang [Kota Samarahan] minta **MENTERI PENDIDIKAN** menyatakan kejayaan secara kualitatif dan kuantitatif pelajar menguasai kemahiran berfikir aras tinggi dalam peperiksaan UPSR dan PT3 tahun 2014.
16. PR-1331-L65936
Tuan Tan Kok Wai [Cheras] minta **PERDANA MENTERI** menyatakan apakah langkah-langkah yang diambil untuk meletakkan budaya politik negara yang membabitkan parti-parti politik dan ahli-ahli politik kepada suatu sistem akauntabiliti awam yang melaksanakan sistem pembiayaan politik, sumbangan dana politik, penggunaan dana awam untuk kegiatan politik, mengehadkan perbelanjaan kempen politik dan lain-lain.
17. PR-1331-L65547
Dato' Sri Haji Abdul Azeez bin Abdul Rahim [Baling] minta **MENTERI KOMUNIKASI DAN MULTIMEDIA** menyatakan apakah usaha Kementerian dalam mengemas kini sistem komunikasi terutamanya di kawasan luar bandar.
18. PR-1331-L67393
Tuan Liew Chin Tong [Kluang] minta **PERDANA MENTERI** menyatakan perbelanjaan persekutuan oleh Suruhanjaya Pengangkutan Awam Darat dari tahun 2010-2015:-
- (a) pecahan terperinci mengikut 13 negeri dan 149 buah kerajaan tempatan; dan
 - (b) peraturan dan bentuk kerjasama dengan Kerajaan Tempatan mengikut Seksyen 101 (0) dan Seksyen 102 (1), Akta 171.
19. PR-1331-L65771
Datuk Bung Moktar bin Radin [Kinabatangan] minta **MENTERI PERUSAHAAN PERLADANGAN DAN KOMODITI** menyatakan apakah perancangan pihak Kementerian dalam memulihkan harga komoditi yang tidak menentu dan apakah inisiatif yang disediakan bagi membantu pengusaha-pengusaha kecil dan sederhana.

20. PR-1331-L67147
Tuan Gobind Singh Deo [Puchong] minta **MENTERI DALAM NEGERI** menyatakan sama ada wujudnya satu sindiket di mana orang yang disabitkan kesalahan dan dihukum penjara dibebaskan tanpa melalui hukuman di Mahkamah Klang dan apakah tindakan yang akan diambil untuk mengatasinya. Adakah laporan polis dibuat oleh seorang Majistret di Klang dan apakah tindakan yang akan diambil berkaitannya.
21. PR-1331-L67324
Tuan Mohamed Hanipa bin Maidin [Sepang] minta **MENTERI PENGANGKUTAN** menyatakan:-
- (a) mengapakah Malaysia tidak dimasukkan dalam "*Joint Investigation Team*" (JIT) yang ditugaskan untuk menyiasat tragedi MH17 sedangkan ia melibatkan pesawat milik Malaysia, anak-anak kapal warganegara Malaysia dan sebahagian mangsa yang juga rakyat Malaysia; dan
 - (b) berapakah jumlah tuntutan yang telah dibuat oleh waris-waris penumpang ke atas Malaysia atau MAS dan berapakah jumlah pampasan yang telah dibayar setakat ini. Berikan butiran terperinci.
22. PR-1331-L66586
Tuan Zairil Khir Johari [Bukit Bendera] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan sama ada Kementerian merancang untuk melaksanakan *Recommended Selling Price* bagi barang makanan untuk mengelakkan daripada pencatutan yang tidak bertanggungjawab.
23. PR-1331-L65877
Datuk Raime bin Unggi [Tenom] minta **MENTERI PENDIDIKAN** menyatakan bilakah cadangan pihak Kementerian untuk memindahkan sekolah-sekolah yang sering dilanda banjir bagi Parlimen P.181 Tenom seperti SK. Enubai, SK. Gumisi dan SK. Kalang.
24. PR-1331-L66899
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan tempoh atau jangkamasa yang perlu diambil oleh Kementerian untuk proses pengiktirafan sesuatu penubuhan kesatuan.
25. PR-1331-L66782
Datuk Juslie bin Ajirol [Libaran] minta **MENTERI PENDIDIKAN** menyatakan:-
- (a) jumlah pelajar mengikut kursus di Kolej Vokasional Awam dan Kolej Vokasional Swasta di seluruh negara; dan
 - (b) bilakah perlaksanaan Institut/Kolej Vokasional dihub Pendidikan Sandakan.

26. PR-1331-L66418
Dato' Johari bin Abdul [Sungai Petani] minta **MENTERI KEWANGAN** menyatakan:-
- (a) senaraikan aset milik 1MDB terkini; dan
 - (b) semua hutang dalam negeri dan luar negara dalam bentuk apa pun jua hingga 1 Januari 2014.
27. PR-1331-L67212
Tan Sri Datuk Seri Panglima Annuar bin Musa [Ketereh] minta **MENTERI PERTAHANAN** menyatakan adakah Kementerian bercadang untuk membaiki dan menaik taraf kemudahan kediaman dan lain-lain bagi Kem Desa Pahlawan di Parlimen Ketereh.
28. PR-1331-L67140
Tuan Jeff Ooi Chuan Aun [Jelutong] minta **PERDANA MENTERI** menyatakan sama ada secara muktamadnya draf Rang Undang-Undang Keharmonian Nasional telah digugurkan.
29. PR-1331-L67063
Dr. Mansor bin Abd Rahman [Sik] minta **PERDANA MENTERI** menyatakan apakah tambang pengangkutan awam terutamanya tambang perkhidmatan bas telah diturunkan atau masih menggunakan kadar tambang yang sedia ada walaupun berlakunya penurunan harga minyak.
30. PR-1331-L67294
Dato' Haji Mahfuz bin Omar [Pokok Sena] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah kaedah serta perkara yang mempengaruhi Kerajaan dalam membuat penentuan harga barang-barang kawalan, tambang pengangkutan awam dan tarif elektrik dengan mengambil kira kos pengeluaran dan operasi tersebut.
31. PR-1331-L67382
Datuk Joseph Salang anak Gandum [Julau] minta **MENTERI PENGANGKUTAN** menyatakan adakah Kementerian akan memberi peruntukan untuk membantu pengusaha bumiputera dalam menjalankan operasi bot ekspres dari Sibu ke Belaga bagi memberikan persaingan kepada pengusaha-pengusaha sedia ada yang enggan menurunkan tambang walaupun harga minyak sudah turun.
32. PR-1331-L66216
Tuan Charles Anthony Santiago [Klang] minta **MENTERI KESIHATAN** menyatakan adakah Kementerian mempunyai pandangan yang sama dengan Persatuan Perubatan Malaysia yang khuatir bahawa kos perubatan penting akan meningkat disebabkan oleh aspek *data exclusivity* dan *patent linkage*, yang terkandung dalam Perjanjian TPP.

33. PR-1331-L67471
Dato Sri Dr. Muhammad Leo Michael Toyad Abdullah [Mukah] minta **MENTERI PELANCONGAN DAN KEBUDAYAAN** menyatakan cadangan dan langkah-langkah Kerajaan dalam meningkatkan lagi program dalam "*Business Tourism*" atau MICE program di Malaysia.
34. PR-1331-L66862
Tuan Lim Guan Eng [Bagan] minta **PERDANA MENTERI** menyatakan status penswastaan Pelabuhan Pulau Pinang serta mekanisme pengurusan, jumlah wang yang dibayar, jumlah hutang yang perlu ditanggung serta bilakah kerja pengorekan dasar laut sebanyak RM353 juta untuk mendalamkannya kepada 15 meter akan dimulakan.
35. PR-1331-L65906
Datuk Madius Tangau [Tuaran] minta **MENTERI PERTANIAN DAN INDUSTRI ASAS TANI** menyatakan apakah langkah-langkah yang telah diambil untuk melaksanakan subsidi penanaman padi bukit kepada para petani padi bukit di Sabah dan Sarawak seperti yang diluluskan dalam Bajet 2015.
36. PR-1331-L67260
Dato' Dr. Mujahid Yusof Rawa [Parit Buntar] minta **MENTERI SUMBER ASLI DAN ALAM SEKITAR** menyatakan apakah tindakan tegas yang diambil ke atas pengusaha kilang memproses sawit yang mencemarkan alam sekitar.
37. PR-1331-L67459
Datuk Hajah Norah binti Abd Rahman [Tanjong Manis] minta **MENTERI DALAM NEGERI** menyatakan apakah tindakan yang diambil Kementerian terhadap sebuah madrasah di Kedah yang telah disiarkan oleh '*The New York Post*' dalam bentuk video dan temuramah yang digambarkan sebagai menyokong kegiatan Malaysia untuk menyertai perang di Syria atas nama 'jihad'.
38. PR-1331-L66699
Tuan Shamsul Iskandar bin Mohd Akin [Bukit Katil] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan sejauh mana keberkesanan Tribunal Tuntutan Pengguna Malaysia di dalam memastikan rakyat Malaysia yang terbabit di dalam kes penipuan pakej umrah mendapat semula wang mereka.
39. PR-1331-L67016
Tuan Mohamed Azmin bin Ali [Gombak] minta **MENTERI PERDAGANGAN ANTARABANGSA DAN INDUSTRI** menyatakan apakah konsep program vendor yang akan dijanakan oleh Proton Holding Berhad dalam usahasama dengan PT Adiperkasa Citra Lestari.
40. PR-1331-L66294
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KEWANGAN** menyatakan perancangan untuk menunda pelaksanaan GST yang dijadualkan bermula 1 April 2015, mengambil kira semakan Bajet 2015 sebagai persediaan kemungkinan kemelut ekonomi akibat kejatuhan nilai ringgit dan harga global minyak dan gas serta kemelesetan ekonomi di Jepun akibat kenaikan kadar piawai GST.

41. PR-1331-L66164
Datuk Wira Haji Ahmad bin Hamzah [Jasin] minta **MENTERI KEWANGAN** menyatakan tindakan-tindakan yang sedang diambil untuk memerangi mereka yang sedang melancarkan sabotaj/peperangan ekonomi serta "*currency war*" terhadap Ringgit Malaysia agar senario krisis kewangan 1997 tidak berulang lagi.
42. PR-1331-L66156
Tuan Wong Tien Fatt @ Wong Nyuk Foh [Sandakan] minta **MENTERI PERTANIAN DAN INDUSTRI ASAS TANI** menyatakan bilangan peniaga yang diberi Beras Hancur Super untuk menikmati subsidi Kerajaan di Sandakan. Adakah ini benar bahawa peniaga cina tidak diberi peluang menjual beras tersebut.
43. PR-1331-L67293
Dato' Seri Abdul Hadi bin Awang [Marang] minta **PERDANA MENTERI** menyatakan sejauh manakah keseriusan Kerajaan dalam menguatkuasakan Garis Panduan Hiburan Dalam Islam yang diterbitkan oleh JAKIM agar insiden ketika Konsert K-POP tidak berulang.
44. PR-1331-L65422
Dato' Seri Ong Ka Chuan [Tanjong Malim] minta **MENTERI PERTAHANAN** menyatakan apakah perancangan yang bakal dilakukan oleh Kementerian untuk Program Latihan Khidmat Negara (PLKN) setelah diumumkan penangguhannya oleh YAB. Perdana Menteri pada bulan Januari yang lalu.
45. PR-1331-L66380
Tuan Sim Chee Keong [Bukit Mertajam] minta **MENTERI PENDIDIKAN** menyatakan jumlah peruntukan kepada sekolah jenis kebangsaan Cina, Tamil dan sekolah mubaligh di Pulau Pinang mengikut pecahan jumlah dan sekolah. Sila nyatakan juga peruntukan mengatasi masalah anai-anai mengikut pecahan seperti di atas.
46. PR-1331-L65788
Tuan Idris bin Haji Ahmad [Bukit Gantang] minta **MENTERI KEWANGAN** menyatakan berapakah nilai rampasan oleh Jabatan Kastam Diraja Malaysia sepanjang tahun 2013 dan 2014 dan berapakah nilai barang lelongan kastam yang diperoleh sepanjang tahun yang sama.
47. PR-1331-L67172
Dr. Michael Jeyakumar Devaraj [Sungai Siput] minta **MENTERI KEMAJUAN LUAR BANDAR DAN WILAYAH** menyatakan mengapa bekalan elektrik masih belum dipasangkan ke rumah-rumah penduduk di Kg. Jong, Sg. Siput.

48. PR-1331-L65411
Tuan Haji Mohd Fasih bin Haji Mohd Fakeh [Sabak Bernam] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan bilangan lesen perniagaan 'online' yang telah dikeluarkan oleh Kementerian dan jenis perniagaan 'online' yang popular di negara ini serta nyatakan langkah Kementerian bagi mengawal perniagaan 'online' ini supaya dapat mengelakkan kes penipuan dan seterusnya menjaga kepentingan pengguna.
49. PR-1331-L66890
Datuk Jumat bin Idris [Sepanggar] minta **MENTERI PELANCONGAN DAN KEBUDAYAAN** menyatakan beberapa replika Batu Bersumpah yang menyerupai Batu Bersumpah Keningau dibina di beberapa tempat di negeri Sabah. Adakah perkara ini menyalahi undang-undang dan apakah tindakan Kementerian dalam perkara ini.
50. PR-1331-L65728
Datuk Dr. Makin @ Marcus Mojigoh [Putatan] minta **PERDANA MENTERI** menyatakan:-
- (a) sama ada pihak Kerajaan menyediakan satu program ekonomi khusus bagi masyarakat Bumiputera bukan Islam dari negeri Sabah dan Sarawak; dan
 - (b) adakah Kerajaan bercadang untuk mewujudkan satu Kementerian khas bagi negeri Sabah dan Sarawak dalam hal ini.
51. PR-1331-L65477
Dato' Takiyuddin bin Hassan [Kota Bharu] minta **MENTERI PENGANGKUTAN** menyatakan adakah Kerajaan bercadang membenarkan pemegang lesen senjata api membawa senjata mereka ketika menaiki kapal terbang domestik selain MAS.
52. PR-1331-L66914
Dr. Mohd Hatta bin Md. Ramli [Kuala Krai] minta **MENTERI KEMAJUAN LUAR BANDAR DAN WILAYAH** menyatakan jumlah kerugian yang dialami oleh pihak Pelaburan Mara Berhad dalam pelaburan saham di Bursa Malaysia berikutan kejatuhan harga minyak dunia baru-baru ini dan adakah dibuat apa-apa siasatan berkaitan kemungkinan ada urusanniaga dalaman (*insider trading*) melibatkan pihak pengurusan tertinggi semasa pembelian saham-saham tersebut.
53. PR-1331-L65997
Dr. Ko Chung Sen [Kampar] minta **PERDANA MENTERI** menyatakan:-
- (a) jumlah bajet dan bilangan kakitangan bagi Suruhanjaya Pencegahan Rasuah Malaysia (SPRM) untuk 5 tahun yang lepas dan yang dirancang bagi lima tahun akan datang; dan
 - (b) bilangan kes didakwa, bilangan kes disabitkan kesalahan dan jumlah wang rasuah yang terlibat.

54. PR-1331-L66215
Tuan Charles Anthony Santiago [Klang] minta **MENTERI KEWANGAN** menyatakan amaun cukai yang dikutip oleh Kerajaan daripada 50 dan 100 rakyat Malaysia yang terkaya dengan *net worth* yang paling tinggi.
55. PR-1331-L65629
Dato' Haji Zainudin bin Ismail [Jelebu] minta **PERDANA MENTERI** menyatakan sejauh mana penyusutan nilai mata wang ringgit telah atau akan memberi kesan ke atas kos pengajian dan kos hidup para pelajar kita di luar negara terutama mereka yang di bawah tajaan Kerajaan. Adakah Kementerian bercadang untuk menaikkan jumlah tajaan yang sedia ada.
56. PR-1331-L67331
Datuk Rozman bin Isli [Labuan] minta **MENTERI WILAYAH PERSEKUTUAN** menyatakan adakah Kerajaan mempunyai rancangan untuk membina jambatan yang akan menghubungkan Labuan dengan Sabah. Jika ada, bila.
57. PR-1331-L67115
Tan Sri Dato' Sri Dr. Jamaluddin bin Mohd Jarjis [Rompin] minta **PERDANA MENTERI** menyatakan:-
- (a) apakah usaha-usaha Kerajaan yang sedang dibuat untuk membuat kajian secara menyeluruh tentang impak dan kesan daripada ancaman banjir yang berlaku baru-baru ini baik dari segi kajian suhu, iklim dan perubahan cuaca secara menyeluruh dengan mengambil kira masalah pemotongan lereng-lereng bukit, pembalakan yang berleluasa serta kadar mandapan sungai-sungai; dan
 - (b) apakah usaha-usaha Kerajaan bagi memastikan satu penempatan banjir yang kekal bagi sesuatu kawasan yang sering dilanda banjir seperti di Rompin di Kampung Stajam yang telah dikenal pasti dibina secepat mungkin walaupun banjir besar baru-baru ini tidak menjejaskan kawasan Rompin, persediaan bagi masa-masa akan datang perlu dibuat segera.
58. PR-1331-L67173
Dato' Ikmal Hisham bin Abdul Aziz [Tanah Merah] minta **MENTERI DALAM NEGERI** menyatakan sejauh manakah kejayaan Polis Diraja Malaysia membanteras kegiatan judi haram dan apakah langkah yang dilakukan bagi memastikan ia tidak terus berleluasa.
59. PR-1331-L65506
Dato' Haji Mohd Zaim bin Abu Hasan [Parit] minta **MENTERI DALAM NEGERI** menyatakan pencapaian Polis Diraja Malaysia mengesan pesalah trafik warga asing yang masih gagal menjelaskan saman trafik dengan memberi statistik kesalahan trafik yang melibatkan warga asing semenjak lima tahun yang lalu serta jumlah nilai saman yang masih tertunggak.

60. PR-1331-L66728
Tuan R. Sivarasa [Subang] minta **MENTERI KEWANGAN** menyatakan bila RM 7 billion dana milik 1Malaysia Development Bhd (1MDB) yang dulu ditempatkan di Cayman Islands dikembalikan ke Malaysia seperti yang diumumkan oleh pengarah eksekutif 1MDB, En Arul Kanda Kandasamy dan kenapa 1MDB tidak berupaya membayar hutang RM2 bilion kepada Maybank dan RHB pada bulan Disember 2014.
61. PR-1331-L66618
Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan jumlah banduan akhir yang menunggu perlaksanaan hukuman mati terhadap mereka setelah penghakiman muktamad dan yang tidak diberi pengampunan setakat 28 Februari 2015.
62. PR-1331-L67403
Datuk Haji Shabudin bin Yahaya [Tasek Gelugor] minta **PERDANA MENTERI** menyatakan langkah-langkah Kerajaan yang akan diambil bagi menaik taraf sistem dan kaedah menangani bencana banjir di Malaysia Barat serta Sabah dan Sarawak.
63. PR-1331-L66321
Tuan Nga Kor Ming [Taiping] minta **PERDANA MENTERI** menyatakan secara terperinci sejak kemerdekaan, berapa orang dan siapakah yang pernah didakwa dalam kes liwat, iaitu kesalahan seksyen 377B Kanun Keseksaan.
64. PR-1331-L67438
Dato' Ahmad Fauzi bin Zahari [Setiawangsa] minta **MENTERI DALAM NEGERI** menyatakan status Kad Perjasa 1Malaysia. Adakah Kementerian bercadang untuk mengesahkan status kad tersebut bagi membantu mengawal masalah PATI di negara ini.
65. PR-1331-L65803
Tuan Wan Hasan bin Mohd Ramli [Dungun] minta **MENTERI KEMAJUAN LUAR BANDAR DAN WILAYAH** menyatakan status projek pembinaan Maktab Rendah Sains Mara Dungun.
66. PR-1331-L66301
Tuan Wong Sze Phin @ Jimmy [Kota Kinabalu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilangan rumah mampu milik yang telah siap dibina di Sabah dari tahun 2004 sehingga 2014 mengikut daerah, kos pembinaan, harga penjualan serta syarikat yang ditawarkan. Apakah rancangan Kementerian yang seterusnya bagi tahun 2015-2020 mengikut bilangan rumah mampu milik yang akan dibina, kos, harga penjualan serta tempat.
67. PR-1331-L66473
Ir. Shaharuddin bin Ismail [Kangar] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah bentuk kerjasama yang telah dirangka oleh Kementerian bersama-sama dengan Kementerian Komunikasi dan Multimedia dan agensi yang berkaitan bagi menangani isu perniagaan yang berunsur forex, emas dan *network marketing* yang kerap kali terlibat dengan kes penipuan.

68. PR-1331-L65651
Puan Hajah Zuraida binti Kamaruddin [Ampang] minta **MENTERI PENDIDIKAN** menyatakan mengapa sekolah di perkampungan Bengoh, Sarawak ditutup yang mengakibatkan anak-anak di perkampungan tersebut mengalami kesukaran untuk ke sekolah.
69. PR-1331-L66624
Tuan Ahmad Marzuk bin Shaary [Bachok] minta **MENTERI DALAM NEGERI** menyatakan perkembangan siasatan kes jenayah tembak pada tahun 2015 yang berlaku di Kelantan. Apakah Kerajaan menyedari bahawa penyalahgunaan senjata api haram ini sangat berkaitan dengan gejala rasuah dan juga berkait rapat dengan aktiviti pengedaran dadah.
70. PR-1331-L65522
Dato' Fauzi bin Abdul Rahman [Indera Mahkota] minta **MENTERI PENDIDIKAN** menyatakan adakah Kementerian menyedari terdapat berbagai rungutan dari warga pendidik di sekolah-sekolah Kerajaan dan jika menyedarinya, apakah langkah-langkah yang diambil untuk mengatasinya dan adakah Kementerian dalam usaha perubahan dasar, sistem atau kaedah pembelajaran ianya dirujuk dan dirunding dengan pimpinan kesatuan guru yang sedia ada.
71. PR-1331-L66009
Datuk Nur Jazlan bin Mohamed [Pulai] minta **MENTERI PENGANGKUTAN** menyatakan sama ada Kerajaan bercadang menubuhkan Suruhanjaya Penerbangan Awam dan apakah skop tugas serta tanggungjawab suruhanjaya ini.
72. PR-1331-L67062
Datuk Haji Datu Nasrun bin Datu Mansur [Silam] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kerajaan bercadang untuk membuka lagi satu Balai Bomba di Lahad Datu memandangkan keluasan jagaan Balai Bomba Lahad Datu adalah 6,537 batu persegi dan berlaku peningkatan jumlah penduduk setiap tahun.
73. PR-1331-L66945
Tuan Mohd Rafizi bin Ramli [Pandan] minta **MENTERI KEWANGAN** menyatakan jumlah cukai jualan/cukai lain yang telah dikutip sejak Januari 2015 ke atas penjualan petrol dan diesel kepada industri/sektor komersial dan namakan jenis industri yang perlu membayar cukai ke atas petrol dan diesel.
74. PR-1331-L65622
Laksamana Pertama Mohamad Imran bin Abd Hamid (B) [Lumut] minta **PERDANA MENTERI** menyatakan adakah Kerajaan akan menyemak semula hukuman mati ke atas pengedar dadah dan pemilik senjata api secara haram kerana ianya tidak selari dengan hukum syarak atau hukum Allah.

75. PR-1331-L67475

Tuan V. Sivakumar [Batu Gajah] minta **PERDANA MENTERI** menyatakan rasional Kerajaan tidak mengiktiraf pelarian dan pemohon suaka walaupun mereka memegang kad UNHCR. Didapati terdapat 144,298 orang PATI yang memegang kad UNHCR di negara kita. Apakah langkah-langkah dan tindakan bertanggungjawab Kementerian terhadap golongan pelarian ini.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Dalam Negeri**

- * Rang Undang-undang Pencegahan Keganasan 2015

2. **Menteri Dalam Negeri**

- * Rang Undang-undang Langkah-Langkah Khas Menentang Keganasan di Luar Negara 2015

3. **Menteri Dalam Negeri**

- * Rang Undang-undang Penjara (Pindaan) (No.2) 2015

4. **Menteri Dalam Negeri**

- * Rang Undang-undang Kanun Keseksaan (Pindaan) 2015

5. **Menteri Dalam Negeri**

- * Rang Undang-undang Pencegahan Jenayah (Pindaan) 2015

6. **Menteri Dalam Negeri**

- * Rang Undang-undang Kanun Tatacara Jenayah (Pindaan) 2015

7. **Menteri Dalam Negeri**

- * Rang Undang-undang Kesalahan Keselamatan (Langkah-Langkah Khas) (Pindaan) 2015

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

- | | | | | |
|----|---------------|--|------------|-----------------------------------|
| 1. | (D.R. 3/2015) | Rang Undang-undang
Tambahan (2014) 2015 | Perbekalan | Bacaan Kali
Yang Kedua |
|----|---------------|--|------------|-----------------------------------|

DAN

YAB Menteri Kewangan akan mencadangkan:-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan bahawa jumlah wang tambahan sebanyak satu bilion sembilan ratus dua puluh satu juta sembilan ratus sembilan puluh lima ribu lapan ratus lapan puluh ringgit (RM 1,921,995,880) diperuntukkan daripada Kumpulan Wang Pembangunan bagi tahun kewangan 2014 bagi Maksud dan Butiran (Projek) seperti yang dinyatakan dalam ruang pertama dan kedua penyata Anggaran Perbelanjaan Pembangunan Tambahan Pertama 2014 yang dibentangkan sebagai Kertas Perintah 2 Tahun 2015 dan yang disenaraikan di sebelah Maksud dan Butiran (Projek) dalam ruang sembilan dan sepuluh penyata tersebut.”

- | | | | | |
|----|----------------|---|--|-----------------------------------|
| 2. | (D.R. 24/2014) | Rang Undang-undang Dadah Berbahaya
(Pindaan) (No.2) 2014 | | Bacaan Kali
Yang Kedua |
|----|----------------|---|--|-----------------------------------|

[Menteri Kesihatan]

- | | | | | |
|----|----------------|--------------------------------------|------------|---|
| 3. | (D.R. 29/2014) | Rang Undang-undang
(Pindaan) 2014 | Pendidikan | “ |
|----|----------------|--------------------------------------|------------|---|

[Menteri Pendidikan]

- | | | | | |
|----|----------------|---|-------------|---|
| 4. | (D.R. 26/2014) | Rang Undang-undang
Perusahaan (Pindaan) 2014 | Perhubungan | “ |
|----|----------------|---|-------------|---|

[Menteri Sumber Manusia]

- | | | | | |
|----|----------------|---------------------------------------|----------------|---|
| 5. | (D.R. 30/2014) | Rang Undang-undang
Juruteknik 2014 | Teknologis dan | “ |
|----|----------------|---------------------------------------|----------------|---|

[Menteri Sains, Teknologi dan Inovasi]

- | | | | | |
|----|----------------|---|---------------|---|
| 6. | (D.R. 23/2014) | Rang Undang-undang
(Saraan) (Pindaan) 2014 | Ahli Parlimen | “ |
|----|----------------|---|---------------|---|

[Perdana Menteri]

- | | | | | |
|----|---------------|--|---------|---|
| 7. | (D.R. 2/2015) | Rang Undang-undang
Pembiayaan Perumahan Sektor Awam
2015 | Lembaga | “ |
|----|---------------|--|---------|---|

[Menteri Kewangan]

8. (D.R. 1/2015) Rang Undang-undang Ahli Kimia (Pindaan) 2015 “

[Menteri Sains, Teknologi dan Inovasi]

9. **Menteri Kewangan** akan mencadangkan:-

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

10. **Menteri Dalam Negeri** akan mencadangkan :-

“Bahawa Majlis ini membuat resolusi menurut subseksyen (4), Seksyen 1, Akta Dadah Berbahaya (Langkah-Langkah Pencegahan Khas) 1985 supaya akta ini hendaklah terus berkuatkuasa bagi tempoh 5 tahun lagi mulai dari 15 Jun 2015”

11. PR-1331-U65762

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

[Perdana Menteri]

12. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

13. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera. "

[Perdana Menteri]

14. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

15. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

16. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

17. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]